

**Sak - Saksutgreiing – Framlegg til - Interkommunal plan for sjøareal – 1. gongs handsaming  
– for høyring og offentleg ettersyn**

**Vedlegg:**

- Planskildring
- Føresegn
- Arealplankart
- KU
- Faktagrunnlaget

**Saksopplysningar:**

**Bakgrunn og organisering**

Dei åtte kommunane i Region Nordhordland – (Alver, Austrheim, Fedje, Gulen, Masfjorden, Modalen, Osterøy og Vaksdal) har vedteke at dei vil utarbeide ein felles arealplan for sjøareala. Kvart kommunestyre valte ein representant til det Interkommunale planutvalet (IKPU) som fekk mynde til å vedta planprogrammet og legge arealplan ut på høyring. Det er kommunestyret i den einskilde kommune som skal vedta arealplan for sitt sjøareal, men det skal bygge på ein samla plan og framstilling for heile Region Nordhordland.

Det Interkommunale Planutvalet (IKPU) varsla oppstart av arbeid med den interkommunale planen for sjøareal jmf. Plan og bygningslova. § 11-12, i tråd med vedteke planprogram. Planprogrammet vart vedteke av IKPU 21.06.2021.

Ei arbeidsgruppe med ein representant frå kvar kommune med planfagleg kompetanse har vore med å utarbeide framlegget til arealplan og kvalitetssikre det som her er lagt fram. Ei av referansegruppene har vore regionale mynde som har bidratt i prosessen med utforming av plandokumenta.

**Planområdet**

Den interkommunale planen gjeld berre for sjøområda. Det vil sei frå flomålet i elveosar og ned til sjøbotn. Avgrensing ut i sjø er 1 nautisk mil utanfor grunnlinja. Planen tek utgangspunkt i gjeldande arealplan i dei respektive kommunar.

## Føremålet med planen

Planen skal vere ein arealplan for sjøareala, der heilskapen blir ivaretatt over kommunegrensene. Gjennom planarbeidet skal det utviklast langsiktige rammer for berekraftig arealbruk, forvaltning og verdiskaping i sjøområda. Planen skal munne ut i ein juridisk bindande plan på kommuneplannivå. Planen skal være eit verktøy for langsiktig forvaltning av sjøareala i kommunane i tråd med prinsippet om berekraftig utvikling.

## Fakta grunnlaget

Planområdet dekker eit stort areal med stor variasjon, frå fjordar til opent hav. Det er også bedt om innspel frå Regionale Mynde om bidrag til kunnskapsgrunnlaget. Med eit så stort planområde vil der ikkje vere mogleg å skildre alle detaljar slik at ein del må bli på overordna nivå. Ved vurdering av dei ulike arealinnspela er det i KU og ROS gjort meir detaljert analyse for det einiskilde innspel.

Fakta grunnlaget viser at der er miljøutfordringar i planområdet med mellom anna:

- Høgt nivå av lakselus som gir høg dødelegheit for villaksen og det fører til at produksjonsområde PO4 er i raud sone som betyr krav om redusert produksjon for akvakulturnæringa
- Deler av området/fjordar har utfordringar med å ha tilfredsstillande økologisk og kjemisk tilstand

## Føresegn

Føresegna bygger på kva som gjaldt i kvar einiskild kommune. Det er gjort ein harmonisering så langt det har vore mogleg.

I og med at miljøtilstand er utfordrande i deler av området er miljøkrava forsøkt gjort meir presise og tydelegare. I føresegna er det eit generelle krava omtalt i kap. 2.3 og særskilt for akvakultur i kap. 3.1.9. Hovudfokuset er at tiltak som skal gjennomførast i planområdet må dokumentere at det skal skje utan forverring av miljøtilstand.

## Framlegg til plan

Eksisterande arealplanar i kvar einiskild kommune er lagt til grunn. Det er kome inn 61 arealinnspel som er KU og ROS vurdert. Etter ein samla vurdering er 38 innspel lagt inn som forslag til arealendring. Mange av desse innspela gjeld utviding av eksisterande akvakulturanlegg for å få meir plass for å kunne nytte nyare teknologiske løysingar. Sjå planskilddringa kap. 7 og KU og ROS.

Arealformål	Nytt	Utvid/endr	Totalt
Akvakultur	6	15	21
Småbåt-anlegg/hamn	12	1	13
Hamneområde næring	3	1	4
	21	17	38

## **Vidare prosess**

IKPU legg den interkommunale planen for sjøareal i Region Nordhordland på høyring og offentlig ettersyn med 8 veker frist.

Det er planlagt eit større regionalt møte i november der ulike interessent grupper som næring, natur- og friluftsansjasjonar og andre vert særskilt invitert.

Målet er at IKPU får planen til behandling etter høyring og offentlig ettersyn i desember/januar. Det vil vere tenleg at IKPU handsamar innspel og samordning av planarbeidet og klargjer plandokumenta for 2. gongs handsaming og fram til endeleg vedtak i kommunestyra.

### **Framlegg til vedtak:**

I medhald av plan og bygningslova § 5- 2 legg det Interkommunale Planutvalet den interkommunale planen for sjøareal for Region Nordhordland med plankart, planskildring og føresegner på høyring og offentlig ettersyn.